

**Rok President
Henry B. Eyring**

Bin Somm'on e Counselor u lane
Bin Somm'on e Presidency



Fagar nge Tabinaew ko Manemus

Udemturug e gi ngam paer riy', bay e fagar rom nima piry'eg ko e faflaen' nib ga' ni kam piry'eg udakaen e fol ko fare gospel ni kan fulweg ku Yesus Kristus. Sana dabiyog ningar weliy'ed e faflaen', machane rayog ningar nanged nap'an ngar guyed u yafas rom. Yaedba'adag ningar fil e gin'en ko re faflaen' nem, arragon nap'an ngar guyed e sikeng rom.

Kam thamiy e faflaen' nap'an kam fol fapi motochiyel ku Got. Aray e wompngin kan micheg ko e fas ko gospel (mu guy Mosiah 2:41). Dam fol nib michaen' e motochiyel ku en Somoel ninge guy reb e gidii' rom, machane e gidii' nira guyed e faflaen' rom e ba taer-medliyraed ko Somoel ningar runga'ged e milwol nib fel' ko fare Fulweg ko Gospel.

Fapi taw'ath kan pii' ngom e kan ning e chilen ma bing e wo'en nib ma'ang'ang ngom. Kam mang gachalpen ku Yesus Kristus, kan ning chilen ngom ningam pii' nga reb e wo'en ninge piry'eg e falflaen' nib ga', arragon e tabinaew nge chongin e tabinaew rom.

En Somoel ke guy e rogom make weliy' e chilen rom ko biney e motochiyel, nib t'uf ko urngin e pi'in ninge oeg koel chiya' ngak e yoror rok. (D&C 88:81).

En Somoel ba tay e mo'em ko re motochieyl ningma fol udakaen e thilyeg nira buch u gum'racha'em nap'an kam thapeg mu fol fare gospel rok Yesus Kristus. Me yibi buch, e t'ufeg rom ngak reb ra ga'nag, ningar thamiyed e faflaen'um.

Sasun ko re thilyeg nem ni urrogon ningam thapeg e muruwel ningam ayuweg e muruwel rok Somoel ko missionary. fapi full-time missionary fini fil rayog nignar thapeged e fulweg nib fel' ko e ning e referral. Fare convert ba'adag e fagar nge chongin tabinaew ninge pii' e faflaen ngak.

Nap'an e ward mission leader fa fapi missionary ra fith ko fithingan e gidii' ningar machibnaged ngak, ba pinning e liyoer ngom. Yaedma nang ni e fagar rom kar guyed e falflaen'um nge, aram fan, gali fagar nem e kan taermedliyraed ningar runga'ged mar thapeged fare gospel. Mar tayed gel bugwaem ningam mang fagar nib t'uf ngoraed nap'an yaedra uned fare gil'lungun.

Dam rus ni gara n'ag e fagar udakaen e pinning fapi missionary ngak. Bay e fagar rog ni kar oeged danga' ngak e missionary machane kar pinninged magaer ngog nap'an boech e duw ni kug pii' e ban'en ngo-raed nib ga'fan ngog. Rayog ningam fi'leg e fagar ko manemus udakaen e pii' ko gospel, ni yaedba guyed e faflaen' ke pii' ngom. Dam soen ningam pinning e fagar nge chongin e tabinaew rom ninge me'leg fare kanawo' ko faflaen'.

Dariy' reb e rogon nib gaa' ko e pinning ko fapi temple ko fare Galasia. Aram en Somoel ke pii' fapi gam'ing ko thapeg gidii' rodad ni daworiy' thapeg u yafas. Yaedma sappad ngodad ufithik e t'ufeg nge athap. En Somoel ke micheg ni ngar thapeged e wo'en ningar

baed nga gil'lungun Rok (mu guy D&C 137:7–8), ma Ke tay e t'ufeg ngoraed u gum'racha'em.

Bo'or i med kam thamiy e faflaen' nap'an e gam'ing ko temple ni fan reb, woed rogon nap'an kam pii' fithingan e gidii' ninge mada'nog e missionary. Kam thamiy e faflaen' nib ga' nap'an kam ngongoliy e gam'ing ni fan e gidii' rom. Kan dag ngak fare Profet Joseph smith ni e faflaen'dad ko manemus ra yaen i chey ningad pii' e wo'en ko fapi taw'ath ngak e gidii' rodad udakaen reb e gam'ing ko temple (mu guy D&C 128:18).

Ngiyal' ko Christmas ba chel e gum'racha'dad nga Tathapeg nge fare faflaen' e gospel Rok ma pii' ngodad. Gadadba dag e magaer Ngak nib fel' rogon nap'an gadadba pii' fare faflaen' nem ngak reb. Magaer ra mang e faflaen' nap'an ngad pii'ed e fithingan ngak fapi missionary ma nap'an ngad fek e fithingan ko gidii' rodad nga temple. E pow ko e magaer rodad ra fi'leg e fagar nge tabinaew nira thamgil ko manemus.

ROGON NI NGAN FIL KO BINEY E MULWOL

President Eyring ke weliy' ni rayog ningad dag e magaer ngak en Tathapeg udakaen e pii' fare gospel nga reb. Ram sabathingaed ngak e gidii' mu machib ngak urrogon fare taw'ath ko fare gospel ke taw'athnog e yafas roraed. Mlemnog ningam pinningraed ningar yip e gidii' ningar noned ngak mar pii'ed fare taw'ath ko fare gospel ma urrogon ningar rinn'ed.

BITIR

Moeg michuwaen'um

Ragam pii' fare taw'ath ko fare gospel nap'an e Christmas mpii' reb e fagar fa yoror yungi fare Babyor Ku Mormon ni kam yoloey e michaen'um ulangin. Fol fapi yang ney ningam taermedliy:

1. Ko yungi babyor, matheg e rectangle sana $4\frac{1}{2} \times 6\frac{1}{2}$ inches ($11\frac{1}{2} \times 16\frac{1}{2}$ cm) ma pinning e glabthir ninge ayuwegem ko tha'ab.

2. Peth e sasing nib ya'am—mu artnog fa photog-raph—nga dakaen fare babyor.
3. Myoloey e michaen'um utangin fare saying.
4. Pinning e glabthir ninge ayuwegem ma pethpeth fare babyor ulangin fare Babyor ku Mormon.

FAL' YANGREN

Rayog Ningu Pii' fare Babyor ku Mormon?

Rok Josh Arnett

Nap'an e bin somm'on e duw rog u high school, e sensei ko seminary ke pinning fare class ningu pii' fare Babyor ku Mormon ngak e fagar rok ni daworiy chongin. Kug tatamra' nib gel, machane Kug thapeg fare pinning.

Ke yaen boech erran mug fi'leg gel bugwaeg, machane Kug pii' fare babyor ngak e fagar rok Britny nap'an abich mug gog e michaen'ug ngak. Britny ke pinning e magaer ko fare babyor.

Nap'an ke mu' school, Britny ke yaen, machane kug sabathingow. Ke weliy' marunga'gen be'ech e school rok ma urrogon urngin e fagar e ba chongin fare Galasia, machane dar noned ngak marunga'gen e tin ya'el ngog.

Aram ke thilyeg ou'moon Kug waen nga mission rog. Kug thapeg e milwol ku Briny ni be yoeg e tin ga'fan ngog: irra fini tawfe, make pinning e magaer ngog ni kug mang e fagar rok mug dag e rogon nib fel'.

Got ke pinning e pagael ni 15 e duw rok ni daworiy mang e missionary me pii' ir ninge weliy' fare gospel nga reb ni Irma nang ra thapeg. Gumanang ni udakaen e motoyil ngak fare Ya'el, rayog ningad piry'eged bo'or e gidii' nima soen ningar fil fare gospel kan fulweg. Gumanang ni fa'an ngad pinning ta'areb e bee' ngak en Somoe, ra mang gel e faflaen' u gil'lungun e Chitamangdad! (D&C 6:23).

Fare tayoloey ba paer u Washington, USA.



Mich, Tabinaew, Ayuw

Fare Muruwel Ku Tharmiy rok Yesus Kristus: Ma'agirag ko en Chitamangiy.

Mmeybil nge biy'eg fapi babyor mu piry'eg e tin ngam mog. Urrogon e nang fan ko fare yafas nge muruwel ko en Tathapeg ra nomoenog e michaen'um Ngak m taw'athnag e gidii' gaba visit teach? Ra tin ni ga ba adag ni ngam nang, man ko relief society.lds.org.

Aray yungi rogon ko Visiting Teaching Milwol nira dag bo'or e rogon ko fare muruwel ku en Tathapeg.

En Tathapegdad, Yesus Kristus, ni kanoeg fare Ma'agirag ko en Chitamangiy bachane I'ir yigo' bee' u fayleng ni kan gargelen ko e nina' ku fayleng nge e Chitanangin ku tharmiy. Ke thapeg e gelngin ku Got, Chitanangin. Ko e Chitanangin, Mary, Ke thapeg e mortality nge rayog ninge bilig, owel, chuw-chuw, miith, nge yim'.¹

Bachane Yesus Kristus i'ir Ma'agirag ko en Chitamangiy, rayog ni Nge pag e yafas Rok me fek bayay. Fapi babyor nib thothup ba fil ni "u dakean e bayul rok' Kristus," gadad ra "yog e foskoyam' ngomed" (Jacob 4:11). Ma gadadra fil ni urngin ra feked e yafas ni dani tungun nga manemus fa'an ngad michaen'dad (D&C 29:43).

Nap'an ngad nang fan nib polo' mange bay yip fan ni Yesus i'ir e Ma'agirag ko en Chitamangiy, e michaen'dad ngak Kristus ra mang gaa'. Elder D. Todd Christofferson

ko fare Ulungi Ragag nge La'agruwi Apostle ke yoeg, "Mich ngak Yesus Kristus i'ir e nang fan nge athap ni (1) E rayog Rok ni ir en Ma'agirag ko en Chitamangiy, (2) E bayul nib manemus Rok, nge (3) e Fas ko Yam' Rok." Fapi profet ko tiney e rran kar oeged: "[Yesus Kristus] i'ir . . . Ma'agirag ko en Chitamangiy u ufin, nge en Tabayul ko fayleng."³

Keb ko pi Chop nib Thothup

John 3:16; Doctrine and Covenants 20:21–24; Moses 5:6–9

Cheppin Rodad

Ulane fare Bin Be'ech e M'ag gadadba biy'eg marunga'gen e ppin, bay fithinganraed ma danga', ma kar ngongoliyed e mich ngak Yesus Kristus, mar filed mar folgaed e machib Rok, mar pii'ed m'ag maruna'gen e machib Rok, ma'ang'ang, nge gel bugwaen. Fapi ppin kar manged rogon gachalen fel ma m'ag nib gaa'fan ko e muruwel ko thapeg.

Sasun, Martha ke pii' e m'ag nib gel marunga'gen fare rogon ku

tharmiy rok en Tathapeg nap'en ke yoeg Ngak, "Ya michuwun'nug i gur en Kristus, en Fak Got, nira yib nga fayleng" (John 11:27).

Boech e bin somm'on e m'ag ko fare rogon tharmiy rok en Tathapeg i'ir e Chitanangin, Mary, nge cousin rok Elisabeth. Me yibi buch e angel Gabriel ke yaen nga Mary, ke yaen nga Elisabeth. Nap'an Elisabeth ke rung'ag Mary, ke "sug ko fare Kan Thothup: (Luke 1:41) ma ke pii' e mich ngak Mary ni irra mang e chitanangin en Fak ku Got.

NOTES

1. Mu guy *Gospel Principles* (2009), 52–53.
2. D. Todd Christofferson, "Building Faith in Christ," *Liahona*, Sept. 2012, 13.
3. "The Living Christ: The Testimony of the Apostles," *Liahona*, Apr. 2000, 2–3.

Mange Rayog Nggur Rin?

1. Mang fan nib ga'fan ningu nang fan e muruwel ku Yesus Kristus?

2. Urogon e michaen'dad ra nogmog nap'an ngad folgaed michmich rodad?